





იუმორის გ. ჟურნალი

აშუაპირი აპირი



№ 17

სანჯ. ქარ. ამხ.



ო. ულინგ

უპარბისი მუბალუ. გ. თუმანოვი. დასწევლას ღმერთმა! ვრწყავ, ვრწყავ, და მიინც არაფერი გამოდის: ერთი ძირშივე ხმება და მე რე კი სულ არ ამოდის.

სანჯ. ქარ. ამხ.

სამი დღე კახეთში.

ღებუტაციები.

უნდა მოგახსენოთ, რომ ჩემი მოგზაურობის მთავარი მიზანი, -- ხალხის ჭირ-ვარამის გაგება იყო.

მართალია, ჩვენში ჭირ-ვარამს დიდი ძებნა არ სჭირია, საითაც გაიხედავ ყველგან საჭიროზე მეტია, მაგრამ მე მაინც გადავწყვიტე მომესმინა ადგილობრივ მოღვაწეთა ჩივილი სხვა და სხვა საჭირ-ბოროტო კითხვებზე.

მხოლოდ ამ მოსახრებით მივიღე რამოდენიმე ღებუტაცია ნადიკერის „რესტორანში“.

შუახნისაზე ცოტა მეტ-ნაკლები შეიძლება ეწოდეს პირველ ღებუტაციას, რომელიც ჩემს წინაშე წარმოსდგა.

— კლიმივე! დარბაისლური და ენერგიული კაცის კილოთი წარმოსთქვა ღებუტაციამ.

— ეშმაკი. ფრიად სასიამოვნოა. დაბრძანდით, ბატონო ჩემო.

— ნიჩევა. ია პეშკომ პოსტაიუ!

— რისთვის იწუხებთ თავს. მე თქვენთან მეგობრული მუსაიფი მსურს და არა ოფიციალური. პრესა დღეს სულ სხვა გზას ადგია, მას ხალხთან დაახლოება სწყურია. იმედია გულახდილათ ვიბასებთ. ვისთან მაქვს ბედნიერება მუსაიფისა.

— მინისტრ ნაროდნავო პროსვეშჩენია...

— აააჰ!...

— ნე მინისტრ, ნო... პაპუჩიტელ...

— რასა ბრძანებთ? ის ხომ...

— ნეტ, ნე პაპუჩიტელ, ნო დირექტორ...

— როგორ? თქვენ დირექტ...

— ჩევა ვი პრიდირაიტეს... დირექტორი არა ვარ, მაგრამ ინსპექტორი ხომ მაინცა ვარ.

— ღმერთმა დამიფაროს, აბა რა ბრძანებაა. მე რა მაქვს თქვენთან საკილო.

— მაშ გეტყვით ყველაფერს. თუ სიმართლე გსურთ მე თელავში ყველაფერი ვარ: მინისტრიცა ვარ, პაპაჩიტელიც, დირექტორიც და ინსპექტორიც.

— ეს როგორ მოხდა? განა თელავს ავტონომია ხომ არ მიუღია ჯერ-ჯერობით?

— რის ავტონომია. ყველაფერი რეჟიმის საქმეა.

— აჰაა!

— თქვენ ხომ ვერა ხედავთ აქ ვერაფერს, მაგრამ ჩემი ხელი რკინის სალტესავით არტყია აქაურობას და, თუ მოსწავლე ახალგაზრდობა ჯერ სულ არ გარყენილა, ამ რკინის ხელებს უნდა უმადლოდეთ.

მე წავიწიე ხელებზე საკოცნელათ, მიუხედავად იმისა, რომ იგი თელავის ქუჩებისაგან სისუფთავეს მხრივ ბევრით არ განსხვავდებოდა, მაგრამ მან, ბ-ნმა კლიმივემა, ამისი ნება არ მომცა.

— არა, ჩემი მოღვაწეობისათვის მე ჯილდოს არა ვთხოვლობ. ის კი მინდა, შთამომავლობა დამაფასებდეს სიკვდილის შემდეგ.

— აბა რასა ბრძანებთ? თქვენ ოლონდ მიცვალებე ინებეთ, და მყისვე დარწმუნდებით, თუ როგორ აფასებს ქართველი ხალხი თავის მოღვაწეებს.

— თქვენ გაგაგონებათ, ინცინდენტი ბავშვის გულის შეწუხების შესახებ...

— რომელი ბავშვია?

— აი აქ, საშუალო სასწავლებელში.

— არც ქორელთან ჩხუბი გაგიგიათ?

— სრულიად არაფერი.

— მაშ რის ეშმაკი ხართ, აღარ ვიცი ღმერთმანი.

მე შემრცხვა და ჩემი სიწითლე სამართლიანიც იყო.

— წარმოიდგინეთ, ეს ქორელია, თუ გორელი, აქ რალაც წარმოდგენების მართვას შეუდგა და თურმე მოწაფეებსაც აპარებდა ჩუმ-ჩუმათ.

— ღმერთო ჩემო! ამ საშიშარი ამბის გაგონებაზე კინალამ გული შემიწუხდა.

— როგორ, წარმოდგენებზე მოსწავლე ახალგაზრდობას უშებდა?

— მაშ, მაშ! უშვებდა და ისიც ჩემ დაუკითხავათ, თითქო მე მინისტრი კი არა, ვილაც პოეტი ვიყო.

— ღმერთო ჩემო, ღმერთო.

— მაგრამ გქონდეთ სიცოცხლე, მე იმას ფეთება ვუჩვენე. შევიქერი ერთხელ კულისებში და ნამდვილი კორიანტელი ავაყენე.

— ხელი შემარჩინა ღმერთმა!

— ერთი ინცინდენტი რალაც „ხელის მოწერის“ თაობაზე ამიტხხეს...

რალა გავაგრძელოთ, ჩვენმა მუსაიფმა მეგობრული ხასიათი მიიღო და მე ღრმად დავრწმუნდი, რომ ჯოჯოხეთს თელავში არც თუ იმდენათ მცირე მომხრეები ჰყოლია. ჩავიწერე ყველაფერი, რაც



ბ-ნმა კლიმიევმა მიამბო და ვეცდები ყველაფერს შესაფერი მალამო დაესდო.

— თქვენი სახელი?
 — დავიწყებული.
 — ა?
 — დავიწყებული.
 — რასა ბრძანებთ. სად გაგონილა თქვენოდნა კაცს სახელი დავიწყებოდეს?

— როგორ თუ დაჰვიწყებოდეს. სრულიადაც არ დაჰვიწყებია, მაგრამ ჩემი სახელი დავიწყებულია.

— ღრმად მესმის თქვენმა გაზრდამ!
 — აქ რა არის გაუგებარი, მე ვარ დავიწყებული.

— რატომ ხართ დავიწყებული?
 — ჩემით.

— თქვენ მეხუმრებით მგონია. მართალია, მე ძლიერ მიყვარს ხუმარა კაცი, მაგრამ ახლა ამისათვის მაინც არა მცალია. გთხოვ, თქვენი ვინაობა გამაგებინოთ.

— დავიწყებული.
 — ღმერთო ჩემო! დაწერილი მაინც არსად გაქვთ თქვენი სახელი და გვარი?
 — გაზეთში.

— აჰააა! ახლა მესმის ყველაფერი. „დავიწყებული“ თქვენი სამწერლო სახელია.

— დიახ, დიახ.
 — რატომ დაითქვით ასეთი პესიმისტური ფსევდონომი?

— იმიტომ, რომ ჩემს სოციალურ მდგომარეობას შეეფერება.

— თქვენ სოციალისტი ბრძანდებით?
 — ნუ. თუ ამასაც კითხვა უნდა? „სახალხო ფურცელში“ ვთანამშრომლობ. თელავი ჩემი მრევლია.

— ფრიად სასიამოვნოა.

— განა მარტო მე, მთელი თელავი სოციალ-ფედერალისტებით არის დასახლებული.

— ფრიად და ფრიად სასიამოვნოა. თუ ასეთი საზოგადოება გახვევიათ გარს, მაშ „დავიწყებული“ არა ყოფილხართ.

— ამხანაგები რას გიზამს, თუ საზოგადო დაწესებულებებში აღვიღს არ მოგცემენ, რომ სული დაიპურა?

— მაშ თქვენ მარტო მწერლობით ცხოვრობთ?

— სად გაგონილა. ჩვენში მწერლობით შორს ვერ წახვალ.

— მაშ?
— ვმსახურობ აქ საკრებულოში.

— ჩინებულია, თუ შრომის ფასი სავარგისია.

— აბა რასა ბრძანებთ. მარტო მაგის ანაბარა ჩემი მტერი დარჩა.

— მაშ?
— ეგრედ წოდებული „არესტნი დომის“ გამგე ვარ. სულს თუ ვიპურებ, ისევ იქიდან. სამსახური...

ამ სიტყვებზე ტანში ერთნატივლია დამიარა. მშიშარა კაცი არა ვარ და მით უმეტეს სოციალისტებს არასოდეს არ ვუშინდები, მაგრამ „სახალხო ფურცლის“ სოციალისტმა ისეთი სამსახურის დარგი წამოაყენა, რომ უნებლიეთ გამაცივამის შემდეგ რა ილაპარაკა ბ-ნმა დავიწყებულმა, აღარ მახსოვს. როცა ის წავიდა და ჩემს ოთახში ბ-ნი ნიკოლოზე მამინაიშვილი შემოვიდა „პრესის“ საქმეებზე მოსალაპარაკებლათ, მე უკვე სამოცი გრადუსი სიცხე მქონდა და აღარ მახსოვს, რა ილაპარაკა პატივცემულმა ინსპექტორმა.

ეშმაკი.

„ჩინოვნიკის“ სიკვდილი.

(ა. ჩუბაყაძის)

ერთ მშვენიერ საღამოს, არა ნაკლებ მშვენიერი ეკზექუტორი, ივან დიმიტრიჩ ჩერვიაკოვი, მეორე წყებაში იჯდა და „კორნეილის ზართა“ ტყე-რით სტკებებოდა. ის თვალ დასმით მისჩერებოდა სცენას და უაღრეს განცხრომას გრძნობდა, მაგრამ უცებ... მოთხრობებში ხშირად შეგხვდება ხოლმე ეს „მაგრამ უცებ.“ ავტორები დიან მართალნი არიან: ცხოვრება ხომ სავსეა უცაბედობითა და მოულოდნელობით! მაგრამ უცებ სახე დაეღრიჯა, თვალები გადაეკარგა, სუნთქვა შეუჩერდა... მოიშორა თვალეზე ბინოკლი, დაიხარა და „აფცხი“!!! ცხვირი დააცემინა, როგორც თქვენცა ხედავთ. ცხვირის დაცემინება არსად და არავისთვის აკრძალული არ არის. ცხვირს აცემინებენ გლეხებიც, პოლიცემსტრებიც და ზოგჯერ, ასე გასინჯეთ, თვით „ტიანი სავეტნიკებიც“. ყველანი

სტუმართმოყვარე მასპინძელი.



ქალაქის მოურავი. მობრძანდით, ბატონებო, მობრძანდით! სოლოლაკში არც ერთი ბინა არ მოიძევა, დანარჩენი უბნები კი თქვენი იყოს; საცა გინდათ, იქ დაიდეთ ბინა.

აცემინებენ ცხვირსა. ჩერვიაკოვს ოდნავათაც არ შერცხვენია, მოიწმინდა ცხვირსახოცი და როგორც ზრდილობიან კაცს შეჰფერის, ირგვლივ მიმოიხედა, ვინ იცის, იქნება ვინმე შევაწუხებ ჩემი ცხვირის დაცემინებითაო? ახლა კი, ცოტა არ იყოს, შერცხვა. შერცხვა, რადგან დაინახა, რომ მის წინ, პირველ წყებაში მჯდომარე ბერიკაცი გულდასმით იწმენდა მულოტ თავსა და კისერს ხელთათმანით და თან რალაცას ბუტბუტებდა. ჩერვიაკოვმა იცნო ბერიკაცი: ეს იყო სამოქალაქო უწყების გენერალი ბრიზეალოვი, გზათა სამინისტროში რომ მსახურობს.

„მგონი დავნერწყვე!—გაიფიქრა ჩერვიაკოვმა.— ჩემი უფროსი არაა, სხვისია, მაგრამ მაინც სირცხვილია. უთუოდ ბოდიში უნდა მოვიხადო.“

ჩერვიაკოვმა ჩაახველა, ცოტა წაიწია და ყურში ჩურჩრლით უთხრა გენერალს:

— უკაცრავათ, თქვენო აღმატებულება, ბო-

დიშს ვიხდი: მე თქვენ დავნერწყვეთ... უცებ მომივიდა...

— არა უშავს რა, არაფერია...

— ღვთის გულისთვის, მაპატიეთ, მე ხომ... მე არ მინდოდა!


— ოჰ, მანდ იჯექით, თუ ღმერთი გწამთ! მაცალეთ ერთი!

ჩერვიაკოვს შერცხვა, სულელურათ გაიღიმა და სცენაზე ყურება დაიწყო. უყურებდა ჩერვიაკოვი, მაგრამ იმ უაღრეს სიამეს ველარ გრძნობდა. რალაც შეწუხება დაეწყო. ანტრაქტის დროს მივიდა ბიზეალოვთან, აუარ-ჩაუარა, დასძლია სიმხდალე და ჩაილულულა:

— მე თქვენ დავნერწყვეთ, თქვენო აღმატებულება... მაპატივეთ... მე ის კი არ... რა ჰქვია...

— კარგია ერთი, თუ ღმერთი გწამდეთ! მე დამავიწყდა კიდევ და თქვენ კი აღარ მეშვებით!

ქალები ომში.



1) დარაჯი ქალი. 2) მოწყალეების დანი. 3) მოწყალეების და პოზიციაზე. 4) ჯარის-„კაცი“ ქალები დასვენების დროს.

საქვა გენერალმა და მოუთმენლათ შეაცმაცურა ქვედა ტუჩი.

— „დამავიწყდაო, ამობს და თვალეში კი ვერაგული ნაპერწყლები უთამაშებს, — გაიფიქრა ჩერვიაკოვმა და ექვის თვალით გახედა გენერალს. — ლაპარაკიც არ ისურვა. კარგი იქნება, რიგთანა ივუხსნიდე, რომ მე სულაც არ მინდოდა... რომ ეს ბუნების კანონია, თორემ, ვინ იცის: იფიქრებს, შეფურთხება უნდოდაო. ახლა რომ არ იფიქროს, შემდეგ იფიქრებს!...“

შინ რომ დაბრუნდა, ცოლს გაუხიარა თავის უზრდელობის ამბავი. ცოლმა, როგორც მას მოე-

ჩვენა, მეტათ დაუდევრათ შეხედა ამ საქმეს. ჯერ შეშინდა მხოლოდ და როცა გაიგო, რომ ბრიზვალოვი „სხვისი“ იყო, დამშვიდდა.

— მაინც და მაინც, შედი ერთი მასთან და ბოდიში მოიხადე, თორემ იფიქრებს, ხალხში თავდაქერა არ სცოდნიაო.

— საქმეც ეგ არის! მე მოვთხოვე კიდევ ბოდიში, მაგრამ მან რაღაც უცნაურათ... ერთი სიტყვით, გარკვევით ვერაფერი მითხრა. ესეც კია, ლაპარაკის დრო არ იყო.

მეორე დღეს ჩერვიაკოვი ახალ ვიც-მუნდირში გამოეწყო, თმა და წვერი შეიკრიჭა და წავიდა

ბრიჯლოვთან საქმის ვითარების ასახსნელათ... გენერლის მისაღებ ოთახში მრავალი მთხოვნელი დახვდა, და მთხოვნელთა შორის თვით გენერალიც დაინახა; თხოვნების მიღება დაეწყო კიდევ. გამოკითხა რამდენიმე კაცს და ჩერვიაკოვთან მივიდა.

— თქვენო აღმატებულება, დაიწყო მოხსენება ეკზეკუტორმა:—თუ გახსოვთ, თქვენო აღმატებულება, გუშინ თეატრში მე ცხვირი დავაცემინე და... უცბებდათ თქვენ... თქვენ დაგერწყვეთ.., ბოდიშს ვახ...
— რა სისულელეა!... ამას ვის გადავეკიდვ! თქვენ რა გნებავთ?—მიუბრუნდა გენერალი შემდეგ მთხოვნელს.

— ლაპარაკიც არ ინდომა! გაიფიქრა ჩერვიაკოვმა და გაფითრდა.—სჩანს, მიწყრება... არა, ამ საქმის ასე დატოვება ყოვლად შეუძლებელია.. მე ავუხსნი, უთუოდ ავუხსნი...

გენერალმა უკანასკნელ მთხოვნელთანაც გაათავა ბაასი და შესასვლელათ გაემართა. ჩერვიაკოვმა გადადგა ერთი ნაბიჯი და ლუღლუღით დაიწყო:

— თქვენო აღმატებულება! უკეთუ თქვენი აღმატებულების შეწუხებას ვბედავ, ეს იმას ნიშნავს, რომ მონანიების გრძნობა... განზრახ ხომ არ ისა... თქვენ თითონ იცით, თქვენო აღმატებულება!...

გენერალს სახე დაეპრანქა, თითქო ეს არის, ახლავე ატირდებო და ხელი ჩააქნია.

— თქვენ დამცინით, მგონი, მოწყალეო ხელმწიფე!—წამოიძახა მან და კარებს იქით მიიძალა.

„განა ეს დაცინვაა?—ფიქრობდა ჩერვიაკოვი.—სადიური დაცინვაა ევა! გენერალია და ამას კი ვერ მიხვდარა: რაკი ასეა საქმე, ბოდიშის მოხდაც აღარ მსურს ამ ვილაც დიდგულასთან. წერილს მივწერ და მოსვლით კი აღარ მოვალ! აღარ მოვალ, ჩემმა მზემ!

ასე ფიქრობდა ჩერვიაკოვი, შინ რომ მიდიოდა. მაგრამ წერილი მაინც ვერ მისწერა გენერალს. იფიქრა, იფიქრა დი ვერ მოიფიქრა, როგორ უნდა დაეწერა. რაღა გაეწყობოდა, მეორე დღეს ადგა და ხელ ახლა მიადგა კარზე.

— მე გუშინ გეახილი თქვენთან, თქვენო აღმატებულება, დაიწყო ლუღლუღი ჩერვიაკოვმა, როცა გენერალი მიუახლოვდა მის,—მაგრამ დასაყინათ კი არა, როგორც თქვენ ინებეთ ბრძანება. მე ბოდიშს ვიხდიდი, ვინაიდან ცხვირის დაცემინების დროს დაგერწყვეთ... დაცინვა კი თავის-

დღეში არ მიფიქრია. როგორ გავბედეგ მე დაცინვას? უკეთუ ჩვენც დაცინვა დავიწყეთ, მაშინ ხომ არავითარი პატივისცემა არ ყოფილა...

— გაეთრიე აქედან! დაიბღავლა აკანკალე-ბულ ა გენერალმა და გალჴრჯდა.

— რა... რა გვიბრძანეთ? ჩურჩულით ჩაეკითხა თავზარდაცემული ჩერვიაკოვი.

— აქედან გაეთრიე მეთქი! გაიშეორა გენერალმა და ფეხები დაბრახუნა.

ჩერვიაკოვს რაღაც ჩააწყდა მუცელში. ველარაფერს ხედავდა, არც ვხმოდა რამე, დაიხია კარებისაკენ, გავიდა ქუჩაში და ლასლასით წავიდა... შინ რომ დაბრუნდა, ვიც-მუნდირ გაუხდელით დავა დივანზე და... სული განუტევა.

განსაცდელი

სწორეთ შაბათს საღამოს ე. ი. 22 მარიაპოლისთვის, ჩემსა და ბ. ეშმაკს შორის შემდეგი დიალოგი გაჩაღდა:

- ეშმაკი. იცი, რა უნდა გითხრა?
- მე. აბა, რა უნდა ვიცოდე!
- ხვალ დილით უნდა წავიდე.
- სადა?
- კახეთში.
- არა, მართლა, თუ ხუმრობ?
- ღმერთს გეფიცები!
- კაცო, აკი ახლახან დაბრუნდი კახეთიდან?
- ჰო, მაგრამ... კიდევ უნდა წავიდე... საქმე მაქვს...
- არ შეიძლება, გავიგოთ—რა საქმეა?
- არა!
- უკაცრაოთ. მე კიდევაც დამავიწყდა, რომ ეხლა რთველი იწყება და უშენოთ შენს უზარმაზარ ზვარებში თავგზა აერევათ მოურავსა და მუშებს...
- მე არ გეხუმრები: ხვალ დილით კახეთში მივდივარ და ეს ნომერი შენ უნდა შეადგინო!
- მიკვირს, ღმერთმანი! ან რა მოგარბენებდა, როცა იქ იყავი და, თუ მოხველი, რაღა ჯანაბა მიგარბენებს?
- ბევრი რამ არის, ჰორაციო, ქვეყნათ და ზეცათ, რაც ადამიანთ სიზმრადაც არ მოვლინებიან!
- მაინც, რა არის, პრინცო ჰამლეტ, იგი საგანი, რაც ვგრე უცებ კვლავ კახეთში მიგარბენებს.

— მაგას ვერ გეტყვი, ჰორაციო, თუნდ თავს დამატყდეს შენი რისხვა ზევსისებური!.. ხუმრობა იქით იყოს და ხვალ დილით უთუოდ უნდა წავიდე, უეჭველათ, უსიკვდილოთ!

— რა გაეწყობა... წაბრძანდი...

— და შენ კი ნომერი უნდა შეადგინო.

— რა გაეწყობა: შევადგენ...

აქ შეწყდა ჩვენი ბაასი: ეშმაკი აივანში გავიდა, მე კი ოთახში დაერჩი და მისი მოულოდნელისა და უეცარი გადაწყვეტილების მიზეზების გამოსარკვევით ტვინში ჩხრეკა დავიწყე:

სულ ერთი კვირაც არ გასულა, რაც კახეთიდან დაბრუნდა, ვფიქრობდი მე: ამ ერთი კვირის განმავლობაში ერთხელაც არ დაუძრავს სიტყვა ისევ წასვლის შესახებ; პირიქით, ახალ მოსული რომ იყო, ისიც კი სთქვა: კარგია, რომ კახეთში წასვლა მოვახერხე, თორემ ვინ იცის კიდევ როდის მოვესწრებო. მაშ რას ნიშნავს ვგრე უეცარი გადაწყვეტილება?

არა, აქ რალაც საეჭვო მიზეზები იფარება!.

ყველაზე უფრო საკვირველი ისაა, რომ ვგრე რიგათ მაღავს და არ მიმუდვენებს იმ საქმეს, რომლის გულისთვისაც აპირობს წასვლას.

თავში მაცდურმა აზრმა გამიელვა:

— ასე მოწყვეტით რომ თბილისიდან კახეთში გაეშუროს, კაცი ან სიგიჟით უნდა იყოს შეპყრობილი და ან... სიყვარულით. ხოლო ვინაიდან ქუამცდარობის სხვა ნიშნები არ ემჩნევა, სჩანს ტრფობის ალით ყოფილა აგზნებული: გარნა, როგორ იცნობა გამიჯნურებული მოყმე?— განვარდობდი მე მსჯელობას: უპირველეს ყოვლისა საქმეზე გული აუცრუვდება. ეს ნიშანი აშკარათ ეტყობა. შემდეგ, სამიჯნურო ლექსების თქმას იწყებს...

— ეი!— მომესმა აივანიდან ეშმაკის ძახილი: თუ გახსოვს, როგორ არის გრიშაშვილის ლექსის ეს ადგილი: „კოცნა კუბოს ნატეხია... მერე?

— შიგ მარხია ძაღლის თავი! ვუპასუხე მე.

— თფუი!

გააფურთხა ეშმაკმა, მაგრამ მე ამას ყურადღებაც არ მივაქციე და ჩემ მსჯელობას დავუბრუნდი: „მაშ მეორე ნიშანიც არის. მესამეთ, მიჯნურის და მახასიათებელია ის გარემოებაც, რომ მთავრის ცქერა უყვარს...“

— კაცო, რომელ საათზე ამოვა მთვარე, არ იცი?—გამაწყვეტინა ფიქრი ეშმაკმა.

— გუნებას გააჩნია: ზოგჯერ, თუ ცუდ გუნებაზეა, სულაც არ ამოვა ხოლმე;

— თუ ძმა ხარ, ნუ ლაზღანდარობ, გამიჯნურდა ეშმაკი: მე სერიოზულათ გეკითხები და შენ კი უკბილოთ ოხუნჯობ.

— ახლა კი ეჭვი აღარ არის, გაბმულა!— ვთქვი მე გუნებაში და და აივანში გავედი...

ეშმაკის გამიჯნურების საქმეს მე პრაქტიკული თვალსაზრით შევხედე და უპირველეს ყოვლისა შემდეგი საკითხი დავისვი: რა გავლენას მოახდენს ეშმაკის მოსალოდნელი დაოჯახიანება ჩვენს საერთო საქმეზე, ე. ი. ჟურნალის კეთილდღეობაზე. ამის გამოსარკვევით საკუთარ ჩემ მაგალითს მივმართე: ვიდრე ოჯახს მოვეკიდებოდი, მე ფილოსოფიურ სარბიელისათვის ვემზადებოდი, მაგრამ შევიერთე თუ არა ცოლი, რალაც ჩემთვის გაუგებარ მიზეზების გამო, უეცრივ იუმორისტი გავხდი. ამისდა გვარათ, ცოლის შერთვას ჩემთვის სწორეთ ისეთი მოულოდნელი ეფექტი მოჰყვა, როგორც მესამე სართულიდან გადმოვარდნას ბალმონტისათვის, რომელიც მანამდე, თურმე, ჩვეულებრივი მოპაკვდავი იყო, მაგრამ გადმოვარდა თუ არა მესამე სართულიდან, მყისვე პოეტი გახდა. განსხვავება მხოლოდ ის იყო, რომ ბალმონტი კარგი პოეტი შეიქნა, მე კი ვერაფერიშვილი იუმორისტი. მაშასადამე, ცოლის შერთვა და დიდი სიმაღლიდან გადმოვარდნა იმგვარათ არყვეს აღამიანის ტვინს, რომ ძირითადათ სცვლის ნიჭის თვისებას. თანახმათ ამ კანონისა, რა თქმა უნდა, ეშმაკის ნიქსაც არსებითი მეტამორფოზა მოელის და, თუ დაქორწინებამ მე, ბუნებით ფილოსოფოსი, იუმორისტად მაქცია, აშკარაა—იუმორისტი ეშმაკი ფილოსოფოსი შეიქნება. საზოგადოთ რომ გავსაჯოთ, ეს ნიქსიცვალდება არც თუ საზიანო იქნება საქართველოს კულტურისათვის, ვინაიდან, კარგი ფილოსოფოსები განა კარგ იუმორისტებზე ნაკლებ გვჭირია? მაგრამ, აკი მოვახსენეთ, რომ ამ საკითხის გადაწყვეტას მე ჩვენი ჟურნალის ინტერესებს ვუფარდებდი და ამ მხრივ კი ეშმაკის გამიჯნურება დიდ საფრთხეს მოასწავებდა...

კვირა დილით ეშმაკი წავიდა.

დღეს ორშაბათია. ამ წუთში ის კახეთშია კიდევ და ვინ იცის, თავის ჯულიეტას უზის გვერდით. მე კახეთი მხოლოთ ერთხელ ვნახე და ისიც ბავშობისას (25 წლის ძლივს ვიქნებოდი იმ დროს, ასე რომ იქაურობა ძლიერ ბუნდოვანათ მახსოვს), მაგრამ ჩემი ოცნების დახმარებით აღვილათ ვხედავ იმ სურათს, რომლის პერსონაჟები ეშმაკი და მისი „ევა“ არიან.



ასეთი ვიყავი, როცა ტრამვაის ვაგონის სკამებზე
ოთხ კაცზე მეტს არ უშვებდენ.

„ევა“ ნამდვილი კახელი ქალია: შავგვრემანი, შავთვალა, მარწყვის ტუჩებიანი და სადაფის კბილებიანი; ასაკით, ასე 17—18 წლის თუ იქნება (მე კარგათ ვიცი ეშმაკის გემოვნება!), ტანის ნაკვთები და მოხაზულობა ეს არის დამთავრებია და ნორჩი მკერდი, სოლომონ ბრძენის სიტყვით რომ ვთქვათ, ისე გამოსქვიფის თხელ საზაფხულო ქსოვილში, როგორც „მტევანი ვენახისანი“ ვაზის ფოთლებში. მოკმედება ნადიკვარის კორტოხზე სწარმოებს. ჩაშავალი შხის თითქოს - ხილული სხივები ზურგში სცემს თავდახრილ „ევას“ და ნაზათ უფერავს თმის კულულს, რომელიც ნაწნავებში ველარ დატეულა და მარცხენა ლოყაზე გადმოჰყრია. ეშმაკი „ევას“ ჩრდილში ზის, შორი-ახლო, და აგზნებული თვალებით შესცქერის

ეშმაკი. (წყნარი ხმით) რა მშვენიერი საღამოა!


ეშმაკის თვალები. (უხმოთ) მიყვარხარ!

ეშმაკის გული. (ხმა მალლა) დაგ-ღუგ, დაგ-ღუგ, დაგ-ღუგ!

„ევა“ (სღუმს)

„ევას“ თვალები. (უხმოთ) მეც... მეც... მი... ყვარ...


„ევას“ გული. (ხმა მალლა) ტაკ-ტუკ-ტაკ-ტუკ-ტაკ ტუკ!



ხუთ-ხუთის და ექვს-ექვსის ნება რომ დართეს, მეც ხერხი მოვიფიქრე.



კინუ ქარაობა



ეხლა ასეთილა ვარს

ჩემმა ოინმა გასქრა და თავისუფლათ ვეტეოდი ტრამვის ვაგონში.

დუმილი. მხოლოდ თვალები და გულნი განაგრძობენ ბაასს.

ეშმაკი. რა მდიდარი მხარეა ეს თქვენი სამშობლო!

ეშმაკის თვალები: მიყვარხარ! მოდი ჩემთან!

ეშმაკის გული (უფრო ხმა მაღლა) დაგ-დუგ, დაგ-დუგ, დაგ-დუგ!

„ევა“. დიახ!

„ევას“ თვალები. მცხევე... მცხვენიან! მე... ვერა! შენ... შენ... მოდი!

„ევას“ გული. (უფრო ხმა მაღლა) ტაკ-ტუკ-ტაკ-ტუკ, ტაკ-ტუკ!

დუმილი.

„ევა“ (დუმილს შეიდეგ) თქვენ მართლა მწერალი ხართ?

ეშმაკი. დიახ...

„ევა“ რა კარგია მწერლობა! მე ძალიან მიყვარან მწერლები!

ეშმაკის გული, (სხაპა-სხუპათ და უფრო ხმა მაღლა) დგ-დგ-დგ-დგ!

ეშმაკი. (ძლივს ძლიობით) მაშ... მეც... ხომ... მწერ... მწერალი ვარ! მეც ვი... გიყ... გიყვარვართ.

„ევას“ გული. (ტყვიის მტყორცნელის სისწრაფით) ტ-კ-ტ-კ-ტ-კ-ტ-კ!

„ევა“ (ალმური მოედება) მე... ეგ არ მინდოდა... მეტქვა... ესე იგი...

ეშმაკი. (წამოდგება და „ევასკენ“ ნაბიჯს გადადგამს).

ეშმაკის გული. (გარინდდება)

„ევა“ (ერთ ნაბიჯს ეშმაკისკენ გადადგამს)

„ევას“ გული. (გარინდდება).

მზე ჩადის. ნადიკვარი და მთელი მიდამოები

დაიჩრდილა. პატარა ღრუბლის ქულა, მიჯნურებს რომ დაღვივლებს ზემოდან, ოქროს ჩარჩოში ჩამულ გედსა ჰგავს, ან კიდევ მოვარაყებულ ვერცხლის გვირგვინს, ბედნიერ ქალვათისთვის ზეცით ჩამოშვებულს. ეშმაკი და „ევა“ უძრავათ დგანან პირის პირ და ერთმანეთის სუნთქვას გრძნობენ. კიდევ ერთი ნაბიჯი და სასწაული მოხდება: ორი სხვა და სხვა ჯურის სხეული ერთ სხეულათ შედუღდება, მაგრამ ვერც ერთი ვერ ბედავს წინ წაწევის.

ეშმაკი. (დიდი ხნის ღუმლის შემდეგ). მაშ... თქვენ... გიყვარ... გიყვართ მწერლები?

„ევა“ (გამოერკვია) დიახ. ყველანი გარდა ერთისა (უკან დაიხია). ის ერთი კი ძალიანა მძულს...

ეშმაკი. (გაკვირვებული) ვინ? რომელი?

„ევა“. ერთი მწერალია... მამა ჩემს ლანძღავს ხოლმე... უნამუსო ვინმეა!.. იქნება, თქვენც იცნობთ... ის მე მეზიზღება! პაპამა სთქო, თუ შემხვდა, უთუოდ ვცემო... ახიცი იქნება მასზე! აბა რას ერჩის პაპას, რა ვქნა! იმ დღეს ლექსიც კი დაუწერა გაზეთში პაპასა!.. სამასხარაოთ აიგდო!

ეშმაკი. (უკან დაიხევს) ვინ... რა გვარია... რა გაზეთში სწერს?

„ევა“ გაზეთში კი არა, რაღაც ჟურნალია, „ეშმაკს“ აწერს, ეშმაკმა კი წაიღოს მისი თავი და ტანი! არა, პაპა უთუოთ სცემს იმას. ძალიანაც გამეხარდება, ჩემმა მზემ... ნეტავი დააქვრინებდეს და ციხეში ჩასვამდეს... მოუხდება!

ეშმაკი. (კიდევ დაიხევს) უკაცრაოთ... მამა თქვენი ვინ ბრძანდება?

„ევა“ განა არ იცნობთ პაპას? პრისტავია...

ეშმაკის გული. (აჩქარებით) დაგ-ღუგ, დაგ-ღუგ, დაგ, ღუგ!

„ევა“ პაპამა სთქვა ღდესა, ის ვიღაც „ეშმაკიაო“, ეხლა თელავში ჩამოსულაო, უთუოდ უნდა მოგნახო და ერთი ლაზათიანათ გავამათრახო... პაპას ხუმრობა როდი უყვარს! თუ სადმე წააწყდა, უთუოთ გაამათრახებს.

ეშმაკი. (ირგვლივ მიმოიხედავს, თითქოს ვიღაცას ემალებო) დაღამებულა კადეც!

„ევა“ ვის უცქვრით?

ეშმაკი. არავის... ისე... თუ დაღამდა მეტქი მშვიდობით ბრძანდებოდეთ.

„ევა“. (თითქო რაღაცას მიხვდაო) მოიცადეთ, მოიცადეთ!

ეშმაკი. (მიდის) მშვიდობით ბრძანდებოდეთ!

„ევა“. თქვენ, ეი! თქვენ ხომ არა ბრძანდებით ის ვიღაც „ეშმაკია“?

ეშმაკი. (ნაბიჯს უმატა, თითქმის გარბის თავჩაღმართში) არა, ბატონო!

„ევა“. (ყვირის) თქვენა ხართ თქვენა! თქვენ როგორ გაბედეთ? წავიდე, ვუთხრა პაპასა!

შე დარწმუნებული ვარ, ეშმაკი ხვალ დილით აქ იქნება!

ეხლა კი აღარ დაუწყებს მთვარეს ცქერას! გადარჩა ჩვენი ჟურნალი.

თავუნა.



მესტვირული.

არ მინდა ლექსები ვწერო, ვინმეს რო უძღვნა ძვირია, არც ის ივარგა, გავჩერდე, სულ დავადუმო პირია; ეხლა დრო არის ისეთი, პირში მართლის თქმა სჭირია, მაშ მოდი, გუდა გავბერო, ავაწრიბინო სტვირია. ჯერ მურღულიდგან დავიწყებ, არ შევეხები სხვასაო, აქ ერთ ჩინოსან ვაგბატონს მიუღიღინებ კარსაო, ვეტყვი: კოლა—ჯან, ქართველ ძმებს ნუ დაუხუჭავ თვალსაო, თორემ სტვირიო ხომ ხელში მაქვს: ზე გადავათხლეშ თავსაო. აქიდან სწრაფათ მოვკურცხლე, დავადექ დიდსა გზაზედა; მოვინვხულე ქოროხი (ის მეტათ მიყვარს სხვაზედა), აქ ვნახე, ტანჯულ მუშებსა ცრემლი სდიოდა თვალზედა;



სიტყვა შევკითხე და მითხრეს,
 პასუხი მომცეს წამხედლა:
 მასწავლებლებათ რომ იყვნენ
 გასულ წელს ჩვენ სოფელშია,
 ეხლა ხელობა შესცვალეს:
 ლამის გაგვწყვიტონ წელშია,
 აგერ ექვსი თვე გათავდა,
 ასე ვართ განსაცდელშია,
 სახლში ვაპირებთ სამგზავროთ
 ფულიც აღარ გვაქვს ხელშია.

აქიდგან შემოვტრიალდი,
 ზევით ვიბრუნე პირია,
 და ვინახულე ბათომში
 მუშების გასაქირია:
 ტანთ დაფლეთოდათ სამოსი,
 წილას არ ქონდა ძირია,
 ტენიკოსობის გინგებით
 არ მოასვენეს პირია.

ქვემო გლრის დავყევი,
 გზაზე არ შემხვდა ავია
 და უვნებელათ სუფსაში
 ზე ამოვყევი თავია.
 აქ მამულეების ვექილებს
 თავს შამოედგა ხელია,
 ბლომათ ეყარათ სუფრაზე
 თამასუკები ძველია,
 ამბობდენ, ვის მიესწერება
 გასული ძველი წელია,
 მეტი ღალი:თვის მუშებმა
 ყანებს აღაღეს ხელია.
 აქაც ვავებრე გუდუნა,
 სტვირიც მოვმართე ძალხედა
 სულ სოფელ - სოფელ ვიარე
 არ გამოვედი გზაზედა.

გულ შემაზრავი სურათი
 წაწვე მომადგა თვალხედა,
 ისმის ოხვრა და გოდება
 ამონაკვნისის ხმახედა,
 დედა შვილს სტირის, ცოლი ქმარს,
 ბაღლებს აქვს გასაქირია,
 გადასახადი მატულობს,
 თან საშოვარი ძვირია,
 შიმშილიც კარხედ მომდგარა,
 დაუფჩენია პირია,
 სოფელს არა ყავს პატრონი
 შეუსუბუქოს ქირია.

ეხლა ვეთხოვი სიმღერას
 ლილინს ავალე პირია,
 სულსა მიხუთავს სოფლისა
 ესოდენ გასაქირია.
 მეც დავიღალე ამ ყოფით,
 თან მოსვენება მქირია,
 დროებით გადავინახე
 ჩემი გუდა და სტვირია.

ლენის-პირელი.

გურული სცენები.

მარიაპობა წინა დღეს.

(გურული სცენა)

დომენტიე და პეტრიელაი.

დომენტიე... გამარჯობა, პეტრიელავ, შენი, რავა მოგიკუპრავს ცხვირ-პირი, რაცხა ფარცაკი არ არის შენს თავზე.

პეტრ.—ოიპ! შენ არ დაგინახა ქრისტიანმა კაცმა, შენ, უწმინდურო, შენ! შენი გამარჯობა კი არა, სისხლი რომ დავლიო, გული არ მომიშლის; რავა, გუშხამ აქანაი კანცალარიიზე პრიგოვორი რომ დავადგინეთ, ნუ იქნება ტირილი, დღეობებია, მარიობა მოვსპვოთო, ისთე მოგესპო შენ სახელი, რომ შეგვხვდეთ: „დომენტი, შენი ქირიმე, აგი დავიწერე გაზეთშიო, რა დიდი საქმე იყო, რომ წაგეჩხიზნა პაწაი, ქვეყან-ს შენ აკილტიკებ და ლანძღავ გაზეთში და რა იქნებოდი, იგი გექნა!“...

დომ.—რაცხა შენ, პეტრიელავ; ან მარცხენა ფეხზე კი ამდგარხარ დღეს და ან ნაუქმურევი კი უნდა იყო, რაიყო, რამ გაგაცოფა, ჯერ გეგე ამბავი და მერე იყმედე, დავწერე, აბა, რა ვქენი.

პეტრ. კაი შენს ცხვირს მუუდეს, კარგად შენ იგი დავიწერია, ეექს! გეიხედე ჩემსას! ჩამოვედი პაწაი მოადრებით ყანიდან, ეგება სამე სახვალიოდ სიმინდი ვისესხო მეთქი, შევიხედე სახლში, რაღას შეიხედავ, ჩანწყრივებულარიან მტრედებივით: გლახუნაი, მარკოზაი, ანდრიე, ანუსიე, ბაბუსიი, ფეიხელიაი, ხვარანძიე და რავიცი; მითხრეს, შენი ნახვა, პეტრიავ, კაი ხანია გვინდოდა ჩვენ, მარა, ამ ვაინმა შეგვიშალა ხელი და ახლა რავარც იქნა, ვიშონეთ დროი და შენთან ქუქუნით და მუსაიფით გავძლებიო“. რაცხაის გასაძლომათ მობრძანდით, კი

ვიცი მეთქი (გულში ვჩივი), ტინტილიას ნაჭამ კატასავით ხართ წელში გამოტანადებული შიმშილით, ორი ოყა ქადი არ მოგპირავს თითოს მეთქინ, ვიფიქრე... ააა! აგია შენი დაწერილი? შენ დამიწერე გაზეთში, მარობას ნუ მოხვალთ მეთქინ, თვარა, დამიპატიყე მეთქინ, როდის ვითხარით.

დომ.—კაცო, პეტრიელავ, რავა დაგიპატიყე? შენი სტუმრები რომ გაზეთს არ კითხულობდეს, რა ვუყო მერე, რა ჩემი ბრალია.

პეტრ. რა ვქნა ახლა, ვქამე ბიქო სირცხვილი და იგია, ერთი კეკალი სიმინდი არ მაქ შინ.

დომ. მე რომ ვასტავლო, ისე ქენი, უსირცხვილოს-უსირცხვილოთ მიეპყარი, ხვალ-მარობას, დაბალ სადილობაზე ვადიკიდე ტომარაი მკლავზე, სტუმრებს ბოდიში მუღბადე: უკაცრავად ვარ, სიმინდის საყიდლოთ მივალ აგერ ტანციაზე, მომითმინეთ თქვენ, ვიყიდი, დავაფქოვ და ერთ მინუთში გამოგიტანთ სადილს-თქვა, და ისე ჩვენი მტერი დეიფანტოს, იგენი მოკურცხლავენ სახლში.

პეტრ. ბიქო, მაგი კარგი მასწავლე, მაგას ნამდვილად ვიზამ, ავაშენა ღმერთმა...

ლუკაიეს ობოლი.

სუფსელ და ჯიხანჯირელ ქალთა საუბარი.

ელიკო. დილა მშვიდობის, დაიკო!

სადიკო. დილა სიხარულის მოგცეს ღმერთმა, ჩემო ელიკო.

ელიკო. რავა ყიდი ამა ყველს?

სადიკო. ცალობით არყიდი, გირვანქა ხუთი შაურია შენისთანა ნაცნობთან და ისთე კი ექვსი შაური.

ელიკო. რა ამბავია დაო, ქვეყნის დაქცევა არ არის ასეთი სიძვირე?

სადიკო. ქვეყანა რომ წკიპზედ არის ახლა შეიტყვე, ცავ? ახალგაზდები ჩხუბში იხოცება. ძველი ქადი ქე შევქამეთ, ახალი წვიმამ გააფუქა, ქვაი არ იქომა დასხვავი რა მაქ მე უბედურს? ერთი ძროხა მყავს რაცხა ოროლ ქაჭუტას გამოვწრიბავ, იგიც, თუ ასთეი არ ვაყიდე, რაით ვიყიდო მქადი ამ ოხერი მუკლიზა. ჩემ თავს ვინ ჩივა დაიავ, ბაღნების ცოდვა მკლავს, რომ იზღივლებენ და მომამაშურებენ:

ნენავ, მშიაო, აბა გუჩემლი, თუ ქვაის გული არ გაქ! მაინც, ყველაფერი გააძვირეს ამ ვაჭებმა, ვერაფერს ვერ მიეკარები, დარდანელი დაიკეტაო, ქვაი მაგინის თავში, მაგენს გაქვიერება სხვისი არ აწუხებდეს; რავარც გაქვიერებულს ვნახავს, მაშინ გძვირობს ტყავს.—

ელიკო. ხედავ, დავ, ამ ტანციის გვერდზედ გასარები რაფერ გაუკავებინ! მგონი ჩიტიც ველარ ჩაფრინდება შიგ.

სადიკო. კბილები გაეკავა ამის გამკავებელს, ვინცხაის მიზეზით აგი აქნაი გააკავებს! ასეი დიეგართა აგი, რავა რაცხა სოფლიდგან რამე ჩამოვიდოდა გასაყიდი პააჯირიდგან მგზავრები ყიდულობდენ და ტანციის მოსამსახურენიც, ახლა ქე გააკავებს ასე, წყალი არ წეილონ ბაზარშიო და აქნაი კრანტთან არ დეიქცესო.

ელიკო. დიდუფ! რას ვხედავ ამას! მწყუროდო ახლა, წყალს დავლევ მეთქი! არც წყალს ასმევს ღმერთი და არც ღვინოს ამის ასე მომხერხებელს, მანამ ცოცხალი ვიქნები, ძმარს უსხამ ცეხლში და მისოულობას ამოვკვირქილოვ.

სადიკო. ვის აბრალებენ, დავო, იმის გალობავას!

ელიკო. ვითამ ამ დიდი სახლის უფროს, მარა რავაც მითხრეს მაგი არ არის ამფერი ფინთი; იგი მუღამ, რომ რკინას ურაკუნებს, იმის ჯინიაო.

სადიკო. ეცადონ ამისთანა საქმე და იცინონ ჩვენ-ვაჭირვებაზედ.

ელიკო. აგი ხომ აგია, მარა ჩვენი ფოშტის საქმე რომ იშლება, არ იცი დაო?

სადიკო.—რა ვიცი დაო, მე გაჩერჩეტებულმა მელაზონმა, გუშლამ ჩემი ბაღისის პასილკის გაგზავნა მინდოდა ჩხუბში, საცოდავმა ბერმა კაცმა ბევრი იწანწალა და ბოლოს რავაცხა გაგზავნა ამ ტანციიდან.

ელიკო. ხო, ასეა დაო აქნაი ამფერი გაქვიერება, ამიზა ფოშტის გახსნა გვინდოდა და მოსანსახურებმა ჯერ გვიშალეს და გვიშალეს, თურამე ჯამაგირს მუკლებდენ, ბოლოს რავაც იქნა აქაურებმა ქე მოადავკუდეს საქმე, გურიელმა სიტყვა მისცა თავრობას, სახლს ვაგიპაჩინკებთ და სამი წლის ვადით ქირაში მოგ-

ცემთო, მერე შეიჯდინა ბზიკი და კანდრახის დაწერის დროს ქიარ იკადრა ვარი!—მაშინ რომ ეთქვა ვარი, სხოვან ახერხებდენ სახლს და ახლა ქე გამოგვისვა დანა კისერში, ასე გვიღალატა, დაო.

სადიკო. ღმერთი უღალატებს, დაო, ამფერ კაცს, რავა, იძახიან განათლებულია, გურიელია კი-ლო, ქვეყნის საქმეს უნდა ეხმარებოდეს, თვარა უნდა ფუშავდეს! მისი სირცხვილი; თვარა ამით სოფელი არც გაკეთდებოდა და არც წახდებოდა; ისეთი ცუდათ დაკარგა შიშა მისმა შის გაზღაში ფარები, უკეთესი კაცი კი დარჩებოდა მეგონა.

ელეკო. ასეა ჩვენი სოფლის საქმეები, მეტიც კი-ლო ბევრია, მარა აღარ მცალია შინ მეჩქარება ბაღნები ცხელში არ ჩამიცვიდენ, მშვილობით ბძანდებოდე.

კიტე.

ჩემი თავგადასავალს თხილსუი.

(მეგობრის ნამბობა)

(დასასრული)

— აი, მოგახსენებთ. როდესაც ოსმალეთთან ომი გამოცხადდა მთელი თბილისის მცხოვრებნი ისე გაიტაცა ბრძოლის ჟინმა და ბრძოლის სურვილიმ-რომ ყველა მოხალისეთ ეწერებოდა, მაგრამ მათდა საუბედუროთ იარალი საყოფი არ აღმოჩნდა და მთავრობაც იძულებული იყო უარით გამოესტუმრებია ისინი, და არ მიეღო. რას იზამდენ, შეურიგდენ ისევ თავის ბედს და დაუბრუნდენ ჩვეულებრივ ქალაქურ ცხოვრებას, ხოლო ეს ბრძოლის ჟინი და სურვილი რომ დაეკმაყოფილებათ და მისთვის გასავალი ხზა მიეცათ, ერთმანეთ შორის გააჩაღეს ხელ ჩართული ბრძოლა. მთელი ქალაქის ცხოვრებნი ორ მოწინააღმდეგე ბანაკათ გაიყო: ერთის მხრით დგანან შოფერები, მჭეტლეები, ტრამვაის მემანქანენი და სხვანი, მეორე მხრით კი დანარჩენი მოქალაქენი. პირველი ბანაკი უფრო მომხადებული აღმოჩნდა და დიდ ზიანსაც აყენებს მეორეს გამარჯვება ჯერ-ჯერობით პირველისკენაა. დღესაც დიდი შეტაკება მოხდა, ძლიერ დაზიანდა მეორე ბანაკი, მას გაუსრისეს ხუთი და დაუქრეს ათი. ერთი სიტყვით საშინელებაა. თუ კი ხაღმე

დაგიმარტოვეს არ დაგინდობენ გავსრესენ! დაბო-ბოლავა ჩემმა მოწაუბრემ.

— ოჰ, ეს რა უბედურება ყოფილა! შეშინებული წამოვიძახე მე.

— ეჰ, ნუ გეშინიათ! აღრე შეეჩვევით ღმერთით მითხრა მან, შემდეგ გამოქმეშვილობა და გაუღვა თავის გზას.

მე კი ძლიერ დამაღონა და შემაშინა ამ უკანასკნელმა ამბავმა, მაგრამ აქ გამახსენდა ლუარსაბ თათქარიძე, რომელმაც ქალაქში ჩასვლის დროს სამი დიდი კენჭი გადაუღა და მოინელა და მეც ცოტათი იმედი მომეცა. „თუ კი ლუარსაბმა სამი დიდი კენჭი ქვე მოინელა, ნუ თუ მე ვერ შევეჩვევი ამ შედარებით უმნიშვნელო ომს“ გავივლე გულში და იმედ მოცემულმა გავსწიე წინ.

4. სასადილოში.

უკვე შუადღზე გადასულიყო. დაღლილს, მოქანცულს და ათას ჭირში გამოვლილს, საშინლათ მომშვივებოდა. მივიხედ-მოვიხედე ჩემს გარშემო და სწორედ ჩემს წინ სასადილო დავინახე, რომლის „ვივესკაზე“ რუსულათ დიდი ასოებით ეწერა: „Столовое Общдъ и ужинъ“ ქვეშ კი წვრილი ასოებით მიჩხაპნილი იყო შემდეგი: „სადილ-ვახში“.—ამ სასადილოს პატრონი უეჭველათ ქართველი იქნება მეთქი, ვიფიქრე და სწრაფი ნაბიჯით გავსწიე მისკენ. სასადილოში შესვლისთანავე ბუზების უზარმაზარი გუნდი მხიარული ზუზუნით შემომეგება; სამხიარულო მიზეზიც ჰქონდათ, რადგან მთელი სასტუმრო იატაკი პურის ნამცეცებით, ძვლებით, და ხორცის ნაგლეგებით იყო მოფენილი. ბუზები გუნდებთ ხან ერთ ავგილას დაგროვდებოდენ, ხან მეორეს, ერთი სიტყვით მხიარულ ქეიფს ეწეოდენ, დროს ატარებდენ. სასადილოში ჩემი ყურადღება მიიპყრო, კედელზე მიყრდნობილმა მოსამსახურე „ბიქმა“, მისი წინსაფარი, რგორც ეტყობოდა 1905 წელს მერე არ გარეცხილიყო. დანახვის თანავე საჩქაროთ მომიახლოვდა და „რას ინებებთო“ მითხრა; მეც ვუთხარი რაც მინდოდა და ჩამოგჯექი ერთ საკმაოდ გაქონილ მაგიდისთან; მანაც სწრაფათ მომიტანა ჩემი კერძი, სახელოები ცხვირზე გაის-გამოისვა, და კიდევ თავაზიანათ შემეკითხა, „სხვას რას ინებებთო“.

რადგანაც ძალზე მწყუროდა, წყალი ვსთხოვე. მან ამ თხოვნაზე მომიბრუნინა ჭიქით რაღაც სით-

ხე და წინ დამიდვა. მე განცვიფრებული ვაცქერდებოდი ამ სითხეს და ვერ ამომეცნო რა იყო. ისევ კვასს ვადა, მაგრამ უფრო ყვითელი იყო.

— ეს რა არის? შევეკითხე ბოლოს; მან გაკვირვებით შემომხედა, ალბათ ძლიერ ეუცხოვა ჩემი კითხვა.

— წყალი გახლავს, ბატონო!

აქ წყალიც სხვანაირი სკოდნიათ გავივლე გულში.

— როგორ თუ წყალი! ვერ ხედავ რა ყვითელია!?

— თქვენ ალბათ ახალ ჩამოსული ბრძანდებით და ამისათვის გიკვირთ, მაგრამ ეს საუკეთესო წყალია! ქალაქის მამები ამას საგანგებოთ ამზადებენ ხოლერის ბაცილების წინააღმდეგ საბრძოლველათ. კუჭის ტკივილისათვისაც უებარი წამალია და აბოლოვა ჩემმა მოსაუბრემ.

— კი, მაგრამ, რას ურევენ წყალში, რომ ასე ყვითელია?

— ეს მტკვრის ტალახი გახლავთ, ბატონო, და ხომ მოგეხსენებათ, რომ მტკვრის ტალახი თავის სამკურნალო ღირსებებით განთქმულია!

მე დავკმაყოფილდი ამ პასუხით და თან ვამალებული ვილუკმებოდი, მაგრამ ვერ ჩემი კერძის ნახევარიც არ მქონდა შექმული, რომ შიგ ალმოვაჩინე რამოდენიმე ბუზი და ერთი წუმწუმის ნატებიც. სიმშილი მწარე ყოფილა, ამისათვის მე ყურადღებაც არ არ მიმიქცევია და ისევ განვაგრძობდი ჭამას, მაგრამ ჩემ კოვზს ბოლოს პაპიროზის ნამწვავიც ამოყვა. ეს ვეღარ ავიტანე, ხელიდან გავაგდე კოვზი და ზეზე წამოვარდი. გულის რევა ვიგრძენი, საჩქაროთ გადაუგდე სასადილოს პატრონს მისი ხვედრი და ქუჩაში გავიქერი.

5. ნარეცხი წყალი

გაბორბლებული და ბოლმა მორეული ჩქარის ნაბიჯით უგზო უკვლოთ მივდიოდი ქუჩაში, ვინ იცის საით. ოპ, როგორი ზაფრის ქარები ამივარდებოდა, როდესაც მოვიგონებდი, რომ ყოველივე ეს თბილისში დაჰმართა, იმ თბილისში, რომლის ნახვას და დათვლიერებას ასე მოუთმენლათ ველოდი, რომლის მარტო გახსენება ვინ იცის როგორ სიხარულს აღმიძრავდა გულში. ეხლა კი, ეპ, როგორ დაიმსხვრა ჩემი ოცნება! ნუ თუ ამას მოველოდი თბილისისგან?! ასეთ მღელვარე ფიქრებში გავიარე ერთი ვიწრო ქუჩა (სადაც საშინე-

ლი სულის შემხუთავი სუნი ტრიალებდა, ალბათ ქალაქის სანიტარებისაგან საგანგებოთ დაყენებული ხოლერის ბაცილების წინააღმდეგ) და გავედი საკმაოდ ფართე და სუფთა ქუჩაზე. აქ კი გულს ცოტა მოეშვა, დამიწყნარდა, ბოლმა-ნადველიც თან და თან მცირდებოდა და რალაც ისევ ხალისიან ხასიათზე ვდგებოდი. ალბათ აქ მამულიშვილურმა გრძნობამ დასძლია პირად ინტერესებს. ის იყო ქუჩის შესახვევს დავუახლოვდი და მინდოდა „გოროდოვოის“ დავკითხებოდი თუ რომელ ქუჩაზე ან სად ვიმყოფებოდი, რომ უეცრად ჩემს გვერდით ორმა მშვენიერმა მტრედმა ჩაიქროლა. დიხს ორმა მტრედმა, რადგანაც მათ დასახასიათებლათ სხვა სიტყვა ვერ მომიგონია! თოვლივით თეთრ ტანსაცმელში გამოწყობილნი, ფეხზე მოწითალო ფეხსაცმელებით და თავზე ძვირფას ფრთებიანი თეთრივე ქუდი, ისინი ისე სწრაფათ მისრიალებდნენ ქუჩაზე, რომ გეგონებოდათ, სწორეთ მიფრინავდნო. მათგან გადმონატარცხნმა შავთვალთა ისრებმა ჩემი გული დასქრეს და დაკოდეს. მათი ფიქალი ღია გულმკერდი ანდამატივით მიშხიდველობას იჩენდა. მე ამ მტრედებმა დამავიწყა ყველაფერი; ტრამვიც, ავტომობილიც, სასადილოც, ჩემოდანიც და როგორც ვხედავ აბნეული ცხვარი თხას დაინახავს და უკან გამოუდგება, ისე მეც რალაც ძალა უნებურათ ვიბრუნე ფრონტი და გამოვუღექი მათ. დიდხანს ვსდიე, გადავწყვიტე რაც უნდა მომსვლოდა გამეცნო ისინი. შესაფერი დროც მალე დამიდგა! ისინი უეცრათ შეჩერდნენ ერთ ქუჩის შესახვევში რალაც ლაპარაკი და სიცილი მორათეს. მეც შორაახლო შევჩერდი და ვსტკებოდი მათი ცქერით. დროგამოშვებით ისინი ჩემსკენაც გამოიხედავდნენ არშეყულის თეალებით და მხიარულათ გადაიკისკისებდნენ. ალბათ შემამჩნიეს, რომ მე მათ ვუცქერდი. „ეპ, დადგა სასურველი დრო!-გავივლე გულში, მოდი მივალ და გავეცნობი!“ ეს ვსთქვი და კიდევაც გადავდგი ერთი ნაბიჯი მათკენ, რომ უეცრად შემოდან რალაცამ ითქვეფა და მეც მსწრაფლ ზევიდან გადმოსხმულ წყლის შეხებში გავვხვიე!—აქ ერთ წამს გავშეშდი, ქანდაკებასავით გაუნძრევლათ ვიდექი, ვერ მიმხვდარიყავი რა დამემართა. შემდეგ, როდესაც გამოვერკვიე, ზევით ავიხედე და მეორე სართულის ფანჯარაში დავინახე გამოწვდილი ტიტველი ქალის თეთრი მკლავი, რომელსაც ის იყო ტასტი წყლიდან გაეთავისუფლებია და ფანჯარაში შეჭქონდა, ალბათ ნარეცხი



წყალი თუ გადმოაქცია ქუჩაზე. აქ დავხედე ჩემს ტანთსაცმელს და ვაი ჩემს თვალებს! ნეტამც არ დამენახა! ჩემი ქუდის კალთებიდან ნელ წვიმასავით მოწვეთავდა ბინძური წყლის წვეთები, წვრილი საპნის ბუშტები კი ნელ-ნელა მისცურავდა ჩემ ახლად გარეცხილ თეთრ ტუყურკაზე და წვეთად ქცეული შარვალს ეწვეთებოდა.

— ღმერთო! ეს კიდევ რა უბედურება მომივლინე? ნუ თუ ესეც მაკლდა! თითქმის სასოწარკვეთილებით წამოვიძახე მე და ჩემს გარშემო მივიხედე-მოვიხედე და მხოლოდ ეხლა შევამჩნიე, რომ ჩემი ორი მტრედები მიცქვრდნენ და სიცილით იხოცებოდნენ. ოჰ, ეხლაც კი მესმის მათი გულის შემზარავი სიცილ-კისკისი, ამ კისკისის თითოეული ზმა, თითოეული ამოძახილი ტყვიასავით ხვდება ჩემს გულს. სირცხვილისაგან ოფლი კბილში გამომივიდა, ვგრძნობდი, რომ საშინლათ გავწითლდი. ჩემმა სახემაც ალბათ ძლიერ შესაბრალოსი და სასაცილო, იდიოტური, გამომეტყველება მიიღო, რადგანაც ყველა გამვლელ-გამომვლელი ჯერ ერთს შებრალებით შემომხედავდა, მე რე საზარლათ გადაიხარხარებდა და გასწევდა თავის გზაზე. დიდხანს ვიდექი ამ მდგომარეობაში ერთ ადგილას. „ოჰ რისთვის არ დაიქცა, ის დღე და ის საათი, რა საათშიც შე თბილისის ნახვის სურვილი დამებდა!“ ეს სიტყვები აღმომხვდა მე უკანასკნელათ გულის სიღრმიდან ქვითინით. მოვწყდი იმ ადგილს და ანგარიშ მიუცემლათ გიჟივით გავიქეცი. ვინ იცის, საით მიგრბოდი შეუჩერებლათ, დაუსვენებლათ, უგრძნობლათ. მე მხოლოდ მაშინ შევჩერდი, როდესაც ცემენტის კიბეს წავებორკე და ზედ დავეცი. აქ გამოვერკვიე და დავინახე, რომ ამოდენა გზა დაუსვენებლათ, სირბილით გამომეველო და სადგურთან მოვსულიყავი. დაღამებულიყო, ეს კიდევაც გამიხარდა, რადგანაც მატარებელი ის იყო გადიოდა თბილისიდან: საჩქაროთ ვიყიდე ბილეთი და გავექანე მატარებლისაკენ. ნახევარ საათის შემდეგ მე ისევ ელვის სისწრაფით მიმაქროლებდა მატარებელი თბილისიდან დასავლეთ საქართველოსაკენ.

ოჰ! როგორღა ვამიწყრება ღმერთი და როგორ ვავატარებ გულში თბილისის ნახვის სურვილს“.

ასე დაათავა თავისი მოგზაურობის ამბავი ჩემმა მეგობარმა.

ლონგინიუს პოდბიპენტა.

დეპეშები

ს. წალვერი.

სარწმუნო წყაროებიდან გაუგია ჩვენს კორესპოდენტს, რომ კარტის მოთამაშეთა ჯგუფს დიდი ეიროშების შემდეგ აუღიათ წალვერის სამკითხველო და შიგ გამაგრებულან. ამბობენ, დიდი სტრატეგობა გამოიჩინა ე—ო ბ—ემ ამ სიმაგრის აღების დროსო.

დაბა ბორჯომიდან გვატყობინებენ, იქ გამართულ საღამოზე დანიშნული იყო „პრიზი“ იმ ქალისთვის ვინც ყველაზედ ზორბა აღმოჩნდებოდა. დამსწრე საზოგადოებაში პირველობა ქ-ნ. —ძეს რგებია.

კახეთის რკინის გზის სამართველოდგან.

გიორგი პავლეს ძე თუშანიშვილი უიარს ამბობს კახეთის რკინის გზის დირექტორობაზედ თუ ტენიკი ხარტონოვი ექსპლოატაციაში არ დარჩებაო.

იქიდანვე.

მეხუთე დღეა, რაც უმფროს ბუღალტერს ბ-ნ იაკობსონს მოსამსახურეთათვის დედა არ შეუგინებია.

იქიდანვე.

კანცელარიის გამგეს, ბ ნ. ჯორჯაძეს გადაუწყვეტია, რადგანაც მალე გზა გადადის თავად აზნაურობის ხელში, ხუთშაბათობით მთხოვნელებს ანახოს უფროსი ინჟინერი რაციბორსკი...

იქიდანვე.

როგორც რევიზიის დროს აღმოჩნდა, ათი თვის გამავლობაში კახეთის ნავთლულის სადგურის უფროს ბ-ნ ბაქრაძეს მოსამსახურეთა და მოიჯარადრეთა წინააღმდეგ ამავე სამართველოში 17989 დაბეზღების ხასიათის ტელეფონოგრამა გაუგზავნია.



ქალაქ თფილისში

გამოდის ეოველ-კვირეული იუმორისტული გამოცემა

ეშმაკის მათრახი

ჟურნალის სამხატვრო და სალიტერატურო მხარეს ვანაგებენ **ეშმაკი და თაგუნა**,
ხოლო გამოცემის საქმეს ა. გ. ბუკია.

ჟურნალის ფასი 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ 1 თვით 50 კ.

„ეშმაკის მათრახში“ დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვესები და სხვა.

◆ ჟუნალში დაიბეჭდება საერთაშორისო ომის ილიუსტრაციები.

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Олгинская 6,
Почтов. ящ. № 96.

(ეშმაკის მათრახისათვის)



*) ეს ადგილი კონვერტზე მარჯვნივ არის დანიშნული და გულმადვიწყებს მოვადგნებთ, რომ უმარკო წერილებს რედაქცია არ დაინსნის